

二
林
居
集

二林居集卷之六

長洲彭紹升允初著

事狀

故資政大夫戶部尚書趙恭毅公事狀

公諱申禔字慎旃其先出宋魏王德昭傳十四世有叔珍者始居常州西鄉之觀莊世爲農數傳至名臣是爲公大父名臣生繼鼎始業儒明崇禎中成進士官公安知縣遷兵部車駕司主事奔喪歸明以教授老于家兩世皆以公官贈資政大夫都察院左都御史公生之日紅光滿室中年十八試五經第一補諸生嘗讀書郊外僧寺寺多客死者殯久木且腐公度寺後地葬之康熙八年舉鄉薦明年成進士需次歸

家貧資授徒以養得金未嘗啟封輒以奉父母嘗遠出忽心
動占之關帝廟不吉疾馳歸而兵部公已得疾旋卒二十年
授河南商邱縣在官刻苦自厲案牘悉手治每中夜不寐日
出視事竟日夕無畱獄有投牒者一識面數年不忘行保甲
法盜賊屏迹釐畝稅戶給照單書四至隱占者許自首荒者
除之二十二年歲饑捐奉爲粥食餓人不足括練數匹易米
以濟鄰縣民至者日相踵歎曰使吾縣得此好官吾煩遠涉
郭命諸生舉窮鄉嫠婦爲請旌樹坊過之必下輿拜然後去
二十五年行取入京以部員用二十七年春授刑部主事母
憂歸三十一年冬補原官遇事彊直會湖廣有獄以漢文抵
人處公固請尚書引律駁還得減死三十三年春遷員外郎

引疾歸家居七載三十九年冬有

詔起公明年入覲授浙江布政使甫受事卽牒兩院請革南糧口袋故事發兵糧石給口袋錢四十歲費銀至四千兩盡徵之民間至是照京倉例令官兵自備口袋其弊遂絕謂欲令州縣無虧帑當先革藩司陋規凡錢糧加平時節餽送兵餉挂發奏銷部費諸款一切禁止僚屬斂手奉法度外營兵餉舊解府撥發至是悉歸本州縣支給省費不訾藩庫貼解費歲支不過什五將去任積二千兩有奇悉封識以授代者曰吾前奏銷不費一文錢後將難繼得此足辦一歲事矣勿要擾民也在官常自家運米以食曰吾不欲以口食累吾民也四十一年遷浙江巡撫

賜御書崔子玉座右銘一通時江水逼唐岸日圯公先言于
巡撫張志棟請興築盡易土爲石貫以鐵築子唐爲護事聞
于

朝報可其年秋將施工齋戒三日率僚屬赴江干爲文以祭
忽風狂潮大至浪搏人若弩注觀者盡奔辟公朝服屹立不
動距祭所百丈餘潮遽止公跪禱願假數旬以畢事嗣是潮
不至者七旬而唐成已而唐外涌沙成洲可數里由是潮不
爲害是年監鄉試請廣解額

報可會湖南人李豐告鎮筸紅苗反十月

命公往會吏部侍郎傅繼祖卽訊並招撫諸苗遂調偏沅巡
撫
十一年春

聖祖南巡公迎謁淮浦

御書督撫箴及綬轡撫安四字以賜又以湖南吏治偷特詔公澂汰公還官建亭勒

詔書期與屬吏更始先是徵糧一石加辰銀四五錢至二三兩不等有軟擡硬駝公費腳價諸名目條編銀一兩加耗至二三錢公一切禁斲飭官商毋得餽獻其年十二月奉

命偕吏部尚書席爾達至鎮筵招撫紅苗三百餘寨率兵擣天星寨降其渠苗疆旣寧因陳善後之策言苗疆旣設道廳諸員宜令專理民事武臣不得干預其苗民犯舉者案律治移麻陽學官駐五寨司訓土司子弟苗民之秀者立義學以教下所司議行驛遞銀舊由道衙支放多耗費公悉改歸州

縣里長徵解漕糧輒倚官魚肉平民至是改官收官解湖南仰食淮鹽運費重而自院道及州縣官恣意婪索故鹽價日增公既盡革陋規飭諸商勿得貴賣遂定衡永寶三府鹽價視長沙爲準營兵春夏月餉須預徵民間秋糧以給公請以上年兵餉所餘畱抵春夏餉有餘乃折銀解部永停預徵之令疏三上得

請莅楚數年積弊盡革民困大蘇舉賢能吏張仕可王朝恩楊宗仁伍士琪等黜州縣貪黷者十餘人尤加意文教遇學道必以清慎相助袁學道者試常德縱衙胥攬賄公覆試諸生黜荒繆者十七卷劾罷學道湖廣教官選缺遠者輒數千里公請分湖南北歸本籍授官

報可。修古名賢祠十餘所。有田者理之。墓則衰之。節婦旌者。故有建坊銀部牒革除。公請而復之。四十六年春。歲饑穀貴。請發倉平糶。明年春。

聖祖南巡。復迎謁淮浦。賞賚有加。夏。湖南復饑。不待奏。平糶如前。布政使董昭祚受商人賄。出諭令米船南下。價益踊。已而丁憂。復屬人爲保畱。公案問得實。劾罷昭祚。會南岳廟成。內閣學士奉使齋

御書題額。碑文往還。劾公不敬。及溺職諸款。且爲昭祚頌冤。疏下。公回奏。公因發前後恐喝婪金狀

詔黜。追金人官。四十八年秋。奉

命視衡永郴水道。過衡州。校閱馬步兵。多餽額。劾提督俞益

謨冒抽兵餉益謨亦以它事許公

詔遣吏部尚書蕭永藻往讞還當公革職奉

旨畱任其後

聖祖以江南巡撫張伯行爲總督所誣

詔諭天下清官因言趙申喬居官甚清但有性氣人皆畏其口直與俞益謨互許彼時亦有以申喬爲非者朕徐加察訪卽彼所轄武官俱言益謨之非無有以申喬爲不是者嘻微聖祖知公公之得舉久矣五十年春遷左都御史士民夾道焚香號哭自長沙至岳州數百里送者不絕諸州縣多建生祠祀之由河南入京旣至奏漿澤舊縣遷移瀕河荒稅宜豁且請敕撫臣凡河水所衝洩及築隄濬河占民田通令牒部

開除稅籍。其年秋主順天鄉試。明年充會試總裁官。會將屆萬壽節。詔免天下地丁錢糧。公請並免官地房租及歷年積欠。尋奉

使陝西復

請將潼關衛與大同府應徵米豆草束準地丁條折一體蠲免。俱

報可。五十二年春

萬壽禮成。公摺請建儲固

國本。四月廣東饑

詔停徵本年地丁錢糧。

命公偕吏部侍郎傅紳會督撫平糶倉穀。並以

恩詔賚諸軍士。公遂請停征廣東額米三十三萬五千餘石。是歲年七十。

御書匪懈堂三字以賜。十月遷戶部尚書。明年三月還。

朝莅戶部。矻矻治文書。句稽錢穀。無寧晷事。關大體多與同官異議。以是不悅于眾。滄州故有八旗圈地七百八頃。已而還之民。輸租歲久。至是莊頭李必達請于內務府。牒撥六十頃隸旗下。巡撫持之。請以各旗退地案數均撥。免滄民重困。部議不許。獨公議如巡撫請。從之。累以疾乞休。不許。五十六年。緣事革職。畱原任。優人徐采給事藩邸。嗾傭者殺人。事下九卿議者。欲寬采。以備抵公。據刑部讞論。采主使坐絞。已而采竟減死充邊及。

世宗卽位下

詔褒公仍逮采于邊論如律明年春充會試總裁官五十八年三月復以病告

詔慰留復尚書職先是以失察銀庫飯錢當償銀一萬八千餘兩至是免之七月病卒年七十七

遣宗室大臣奠茶酒予卹典謚曰恭毅公平生論學以不欺爲本周悉物情果于自任絕諸委曲官所藩時榜其堂曰君不可負只是心難負負心者不容于堯舜天不可欺誰言人易欺欺人者如見其肺肝又嘗語子熊詔言今人好以清自負夫清非僅不名一錢也須兼廉明二義廉者一塵不染明者一豪不蔽兼之者斯可謂清若惟一介不取而處事糊塗

人將安賴。吾自任外吏。不能不資于官。廉之一字。吾有愧焉。至于軍國利病。民生休戚。早作夜思。知無不爲。差免糊塗而已。公之卒也。商邱湖南浙江竝祀。公名宦祠。雍正元年。贈太子太保。入賢良祠。

世宗與諸大臣追論異時諸名卿校。其才守互有軒輊。惟子公無閒焉。

硃批諭旨。趙恭毅肅

稟趙裘萼肅稟

故提督河南學政按察使副使蔣公事狀

公諱伊。字謂公。世居蘇州常熟縣。父諱棻。崇禎中進士。除南海知縣。憂歸。再補建安縣。以廉幹擢禮部主事。未赴官。明亡。老子家公爲諸生。卽負經世志。康熙五年。舉鄉薦。十二年成

進士甫釋褐卽具疏上所著玉衡臣鑒二錄玉衡者言君道
臣鑒者言臣道上自唐虞下至元明采其事要備法戒昭勸
懲爲卷凡二十四有

旨畱覽選庶吉士十四年敝館授監察御史巡視中城時南
方用兵城邑殘破民多流亡公上疏言新復諸州縣當飭巡
撫身歷軍前嚴禁搶掠量緩征輸責成有司招徠開墾課其
戶田以爲殿最如此則遺民安堵寇盜可銷又以姦民挾仇
動借叛逆妄害良善請嚴反坐之律其有司受臧枉法者加
等治舉又以江浙白糧向準順治十一年價米一石折銀一
兩五錢至是米價減至五六錢請準時值量爲高下又以蘇
州駐防滿兵糜餉擾民請移駐它要地下所司議奏多見施

行十五年移疾歸里十八年補廣西道御史時連年用兵征調四出又方開捐納例選涂頗壅公乃繪十二圖上之曰難民曰刑獄曰讀書曰春耕夏耘曰催科曰鬻兒曰水災曰旱災曰觀榜曰廢書曰暴關曰疲驛復爲疏論難民言臣于十五年請假旋里見江西浙江難民百十爲羣哀號乞錢求贖妻女又于江寧省城遇淮安僧宗緣率難民二百餘募錢求贖妻女臣因加察訪其被掠已贖者有江西萬年縣徐善妻張氏等一千餘口其被掠求贖者有浙江永嘉縣何君信妻周氏等二百口其難民具呈藩臬者有江西江廷栻浙江劉佛顯等其募錢爲難民求贖者有僧宗緣武舉人王都等此等被掠之人竝按之浹山邨落初非得自賊營其爲誣陷何

疑臣請自後新復地方責成督撫嚴禁搶掠其有將吏掠賣男婦所過地方飭督撫一面截畱一面參究庶幾水火餘生來蘇有望其論刑獄言外省有司以酷濟貪民閒小舉動輒收禁株蔓牽連逮及婦女請令督撫司道府廳州縣立石中庭鐫刻

上諭除真正人命彊盜重情外不許濫行監禁擅用夾棍及株連婦女違者案律治辜庶足以儆貪殘惠熒獨其論鈐法云捐納知縣原出一時權宜其人未必無賢能而不可不選擇請未選者責成吏部行簡選法身言書判實加考驗優者案次除授劣者給以知縣空銜俾爲佐貳其選者責成督撫一年之中試其才守行保舉法否者席之並請將見開捐納

知縣一項亟行停止。

聖祖覽圖及疏爲動容嗟歎。又疏劾江西董衛國縱兵焚掠及擅役民夫狀。

詔衛國軍前帶舉圖功十八年。因地震疏論六部積習遇有銷算案件要求貨賂。意爲高下。堂司書吏連爲一手。望嚴加飭禁。又言災眚疊見。

乘輿不宜輕出。宜日御便殿。咨諏治道。飭官常求民瘼。以幸天下。時江南江西將饑。上救荒策。大略言賑濟之法。莫善于分。莫不善于聚。縣各爲賑。勿聚于府。鄉各爲賑。勿聚于城。人各爲賑。勿委于吏。如臣在康熙十年。賑荒于鄉。分設三廠。所活者眾。所耗者少。城中官設二廠。所活者少。所耗者多。此其

明驗也。又其目在獎廉吏、緩催科、通商賈、興工作、養孤老、埋
骼、齒爲五疏。上之十九年，因正涂壅滯，請疏通選法。下部議
行。二十一年，出爲廣東糧儲參議。時當兵火後，供億靡苦。公
至，革耗羨，禁饋獻，除差徭，日買乾魚自給，誓不取民間一物。
集諸生肄業書院，及諸義塾，月有會，旬有課。一年，人知向學，
無敢有私謁者。會

詔求學行兼長者充督學任。九卿舉公以應。遷河南按察副
使，提督學政。旣至，頒示條教，崇實學，正文體。其孝子貞婦旌
之。營求請託者，舉之。二十六年，試開封，得疾卒。年五十七。居
家孝友，篤于親故，兼好西方之教。誠子孫讀儒書暇，誦金剛
經、嚴法華諸經，修大悲懺法，行功過格，朔望放諸魚鳥。家人

不得特殺有故許用五淨肉著爲家訓令子孫世守之其卒也說偈而逝有華田文集行世子二人陳錫官至雲貴總督廷錫官至文華殿大學士

華田文集愚齋文集常孰縣志

故光祿大夫禮部尚書張清恪公事狀

公諱伯行字孝先河南儀封人曾祖自新祖醇父嚴三世皆諸生贈如公官康熙二十四年成進士歸而構精舍于南郊陳書數千卷自天文地理醫卜農圃及浮屠老子之書悉涉其大略已而得朱子小學近思錄讀之喟然歎曰聖學門庭其在是矣盡發濂雒關閩諸大儒書口誦手鈔耽精研思凡七年入京授內閣中書舍人改中書科舍人以父喪歸啜粥寢苫終喪不入內縣故有飲泉書院爲有司所毀公出錢購

地建屋于請見亭之西。號請見書院。延嵩陽尹先生觀祖爲之師。公往復討論發明正學。興起者頗衆。二十八年夏大雨。北關隄決。灌城。公募民囊沙塞決口。隄完。河道總督張鵬翮過。儀封聞而異之。薦試河工。四十一年。授山東濟寧道。明年聖祖南巡。過山東。以歲饑。命漕督桑格截漕米二萬石發兗州諸屬減價糶。並聽開倉以賑。河督命公率諸僚屬董其役。遂發倉穀三萬餘石。已而部臣以公擅發倉爲梟牝布政司題參。且命買粟以償。公曰。擅發倉美名也。使吾獲美名而同官以發倉爲戒大害也。吾敢貪美名而釀大害。遂引詔旨爭之。得已。兗州屬鄆城諸縣當秋澍水氾溢爲民害。公疏濬淤廣達之運河。由是十五州縣無水災。又于虞邱西五

空口築堰引水入澗民便之既去立生祠以祀公遷江寧按察使四十六年

聖祖南巡察公清廉

命巡撫福建其年夏旱發藩庫銀五萬糴粟江浙平價糴明年臺灣復旱請緩本年應輸額粟爲分年帶徵令民于農隙時度地開池池分爲畦以達之田爲田一邱各鑿一井以達之池爲旱備又教民墾荒田種桑習蠶織廣置社倉飭保甲講鄉約患閩俗好奢爲定昏喪品則建鰲峯書院以羅原學官蔡先生主之蔡先生名璽閩之老儒能以躬行爲教者也集諸生書院中命曰纂錄古人嘉言善行俟小學諸綱目條貫成書手自刪定得八十六卷名小學衍義以教于諸生其

年鄉試請照恩科廣額十名

報可四十九年

聖祖諭閣臣江南重地其移伯行往撫之李公光地奏言閩中彫敝得伯行初有起色要畱一二年其可張公玉書進曰江南游饑非伯行民不得食

聖祖笑曰朕爲天下計汝二人何爭焉當得一如伯行者以與聞可耳遂以陳瓚代之瓚亦厲清節

聖祖偶爲苦行頭陀者也公自入官悉以家私財充用未嘗受人一錢及至蘇嚴飭屬吏毋得餽獻絕浮漕減重耗禁海關毋得出米歲饑請賑淮揚徐三府緩諸州縣帶徵漕糧仍糴鄰近米減價糴俱

報可是歲大計盡席諸貪殘吏時兩江總督噶禮黷貨不訾舉錯任意數與公齟齬以蘇州知府陳鵬年最公所信任劾罷之五十年鄉試榜發副主考趙晉以賄聞所取士程光奎吳泌皆不通文義眾大譟正主考左必蕃不得已發其事而蘇州諸生集眾數百興財神入學門公以

聞于時安徽巡撫葉九思爲監臨布政使馬逸姿爲提調皆居閒得臧事發外人喧傳總督索銀五萬兩許爲保全會聖祖命戶部尚書張鵬翮同督撫卽訊揚州當會鞠時噶禮果不欲窮治詞連葉馬輒盛怒呵止有逸姿家人軒三者敲掠急大聲曰莫問我我若吐實審事大人頭都戴不住噶禮默然罷訊置軒三不問而鵬翮有子懋誠知懷寧縣爲噶禮

屬官故陰憚噶禮不能洩公乃上疏劾督臣抗

旨欺

君營私壞法請竝解任聽勘噶禮聞亦奏公不肖出洋捕賊及誣陷牙行張元隆諸款先是四十九年冬以海賊屢肆劫掠

詔督臣會公出洋搜賊噶禮至上海集海船十餘盛設供具由吳淞江出海自寧波入口滿載還江寧而撫標故無戰船公至上海與提督議畱內地分緝賊黨具摺以

聞張元隆者居上海廣造海船出入東西兩洋蹤迹叵測攤厚貲結納豪貴使其弟令濤入總督幕爲內援而厚遺噶禮海船俱具皆其物也時方嚴海關出入之令凡舟人姓名籍

賈必驗本州縣照票乃放行而崇明水師按捕余元亨漁船其舟人皆閩產而冒華亭籍供稱元隆代領照票公飭屬吏提訊元隆元隆稱病不出屬吏不敢逼詣其家受詞而已公方欲竟其獄而元隆病歿于家故噶禮以爲公舉也奏上詔二臣俱解任復

命戶部尚書和穆倫工部尚書張廷樞會訊然皆畏噶禮謂公實不出洋督臣所劾有據坐公妄奏革職噶禮免議五十年冬十月

聖祖下詔責諸臣顛倒是非暴噶禮舉且言張伯行天下清官第一如此等人朕不爲保全則讀書數十年何益而凡爲清官者亦何所倚恃遂席噶禮復畱公巡撫任五十二年還

原職奉

旨會察戰船公先與總督赫壽議覆臺臣所奏編漁船商船立灣總甲長連環互結至是又請每船首尾標記船戶籍貫姓名並給腰牌圖形貌絕諸姦僞海防益密明年奏免揚州落地稅一千二百餘兩歸兩淮鹽運道以經費銀抵解裁揚州稅課司。勅紫陽書院于蘇州立學規集諸生肄業其中置田爲膏火費五十四年上海民顧協一等告令濤黨惡賁緣名捕急令濤匿布政使牟元欽官舍公因劾罷元欽張鵬翮復奉

旨來訊釋諸臯人以妄誕劾公坐大辟羈鎮江城隍廟爲諸子弟講說書義續諸未成書居半歲貌加豐奏上

詔特原之。

召入直南書房權總督倉場侍郎五十五年請

敕天下各立社倉爲條例以上明年充順天鄉試正考官五十九年奉

旨管理錢法旋授戶部右侍郎兼管倉場總督事六十年充會試總裁官明年

世宗卽位

命專理戶部及錢法雍正元年秋上書論河事請大開泗水由金口閘引入濟寧馬場河蓄之濟運臺莊以下立建閘備蓄泄有

旨議行九月遷禮部尚書明年奉

命祭告闕里許歸省母還

朝請以明儒羅欽順從祀孔廟尋有

旨下禮部議廣從祀諸賢羅公及

本朝平湖陸公以公言並祀兩廡三年正月卒于官年七十
五

賜諡清恪加太子太保子祭葬公平生述作甚富嘗仿論語
編濂雒關閩書進于

朝錄宋元以來諸儒文集數十家刻行之其論學持是非甚
力同年友陳玉立好習靜自詡見道致書于公通所得以爲
口有異味鼻有異香美在其中又言得吾道者可以長生不
死公復之曰吾儒之道堯舜以來相傳之道也堯舜禹湯文

武周公孔子之相傳。惟是有物有則。生人不易之常理。不聞其口有異味。鼻有異香。美在其中也。吾儒之道。將用以修身。齊家治國平天下。今日口有異味。鼻有異香。美在其中。持是道也。身可恃以修乎。家可恃以齊乎。國可恃以治乎。天下可恃以平乎。且人之所以足重者。謂其爲聖爲賢。豈以年之多寡。而壽孰若顏而夭。足下如德不進。業不修。惟冀長生不死。將何爲乎。又有原元功者。以爲爲學之要。當因其靈以反乎虛。公言義理不明。則虛靈亦易爲病。全義理以應萬事。則動不逾矩。發皆中節。舍義理而尚虛靈。則爲空宋。爲狂妄。其流毒無所不至。故知主敬爲第一。切要工夫。蓋公之所得于程朱者如此。方公待讞揚州時。江南民皇皇唯恐失公。揚州

闕府諸生上書使者訟言督撫曲直且責以大義辭甚激而
先曾祖南昀府君合諸鄉士大夫數十人投牒署巡撫王度
昭乞以民情入告弗省府君幽憂嗟歎屢見于詩及公復官
命下而後喜可知也焚香奉

詔旨北面九頓首以謝膳黃布遠近復爲長律二十韻紀之

已而公闢紫陽書院欲以屬府君府君固辭而止府君平昔
論學稍與公異指其以公義相取如此此可以觀公之人矣

公子二師棧師載師載官至河道總督河南通志蘇州府志
正誼堂文集道古堂

文集

十六日讀寬敬識

二林居集卷十六 終

二林居集卷十七

長洲彭紹升允初著

故通議大夫總督河道兵部右侍郎兼都察院右副都御史陳恪勤公事狀

公諱鵬年字北溟湖南湘潭人祖金臺貢生能文章有節槩無子以弟子國學生式穀嗣是爲公父贈中憲大夫母羅太夫人夢采雲中翔大鳥覺而生公因名曰鵬年九歲作蜻蜓賦驚其座人當吳三桂之亂公全家避山中五年貫通經史康熙二十三年舉于鄉三十年成進士居五年授衢州西安知縣公長七尺美鬚髯目光若閃電顧盼偉然性彊直沈幾

內謀赴義。若矢初入官。誓天以清白自厲。忠主愛民。更歷夷險。至老不渝。西安當耿賊亂後。民多流亡。豪彊占田。率數十百頃。公屢啟案驗。有主者悉還之。民之復業者數千戶。民多溺女。公嚴立禁約。俗爲一變。居四年。大吏再論薦。爲部議所格。三十九年。河道總督張鵬翮請以公試河工。逾年。題補天津同知。引。

見改授山陽知縣。既抵官。革耗羨。汰胥吏。逮淮關蠹役重懲之。關吏遂斂手奉法。擢知海州。當歲除。州人徧榜官清民安四字于門。四十二年。

聖祖南巡過山東

命河督簡道守之。賢能者賑兗州濟寧饑民。公與焉。

駕還

召見濟寧

御舟試詩賜

御書一幅旋擢知江寧府松江捕盜卒誨盜誣富人爲黨掠其家逼婦女自經歿旣成讞遇赦冀得脫公會訊白大吏曰誣良民盜卽盜也況又劫殺無赦理置五人于法蘇人有鬪毆歿者已坐故殺矣公出其歿部駁再三不能奪常州知府與諸生訟文致十餘人于歿公承勘盡出之會有大役總督阿山召諸屬官議增地丁耗羨公力爭且曰官可罷賦不可增也議遂寢自是大吏滋不悅公四十四年

聖祖南巡公主辦龍潭行宮或有求索不應竊置蚯蚓糞于

簞席間

聖祖不悅至江寧召公詰問先是致仕大學士張文端進見聖祖問江南廉吏文端以公對及是復問公爲人文端言凡良吏性行治術或有偏至惟鵬年吏畏其威而不怨民懷其德而不玩士式其教而不欺廉其末也

聖祖遂釋然

駕臨金山觀水師先期一夕大吏檄公疊石爲步者三欲以困公公率諸子弟親運土石士民從者屬路爭徹屋材濟工鼓四下工竣

聖祖臨視益奇之其年六月以江南河牘事被議落職羈江寧關帝廟江寧人痛哭罷市大吏必欲殺公旣捃撫無所得

則以公嘗逐羣娼建亭其上。月朔宣讀。

聖諭爲大不敬。明年二月獄成論死。

聖祖一日問大學士李文貞阿山在官何若。文貞言臣嘗與同僚廉幹果于任事。其失民心獨劾陳鵬年一事耳。

聖祖領之獄上。

詔從寬免死。尋

召入修書武英殿。天下莫不頌。

聖祖知人之明。而歎李公之善進言也。四十七年冬以兩江總督邵穆布請。

命出知蘇州府。蘇大饑且疫。公徧歷所屬境。人予之藥。餓者予之粟及錢。所至疫立起。民多書公名于門。以逐疫。于是議

賑貸勸捐輸。濬城河修學宮。勅義塾懲博塞。禁婦女毋游觀。朔望講鄉約。籍游食無賴者。跪而聽之。公洩斲神速。初至滯獄三百餘案。不一月發遣都盡。嘗過唯亭。忽水面涌漚。中有血痕。摸得一死尸。案問居人。則其妻與人姦而遂殺之者也。寘諸法。其發姦摘伏多類此。四十八年。張清恪巡撫江寧。倚重公。大小事多與公裁決。明年。

詔護理布政使印務。時總督噶禮旣與巡撫有隙。忌公甚密。奏公所作虎邱詩。謂爲怨望。復劾公承勘吳縣令張廷弼虧帑遲延。再罷職。適公在鎮江。卽羈之城隍廟。吳人號哭罷市。如江寧。相率載薪米詣公。餽問不絕。獄成。復擬大辟。五十一年冬。噶禮以貪敗。

聖祖在暢春園出公虎邱詩示近臣曰有密奏陳鵬年怨望以此作證宵人伎倆大率如此朕固不爲所動也明年萬壽覃恩宥公舉赴熱河謝恩

召對良久旋

命爲武英殿纂修總裁官五十六年署霸昌道事霸昌旂民錯處號難治公一裁以法有詭倖貴戚私開銀礦公收治之豪彊屏息嘗遣奴進瓜熱河

詔云汝主官清不必以常例進奉好將瓜歸卽賜汝主頃之迎

駕密雲侍行二十里

聖祖問河工事公條對利害甚析六十年遂

命公偕吏部尚書張鵬翮視南北河隄尋

詔公畱河工其年秋河洩武陟馬營口橫潰山東張秋直隸長垣公請從洩口上流對岸廣武山下別開引河以般水勢更請發帑金遣大臣督理會已有

詔如公言冬奉

命署總督河道事公在官慎宣防嚴啟閉飭材料卹徒庸覈功擧信賞罰羣吏歡踊民不病役明年正月馬營再洩公請于王家溝再開引河使水趨東南入滎澤庶馬營隄工可成報可未幾奉

詔自工所還清江兼攝漕運總督時運道梗滯旂丁數千食不給呼號載路公立發帑金六萬賑之奏聞

聖祖曰諒爲大臣當如此矣。秋八月再至武陟時洩口尚未塞。公爲文禱河神。是夕河水驟退八尺。再請開官莊峪引河。報可。日宿隄上。往來風雪中。遂得疾。十一月。

聖祖崩。闕至。公方秉筆視事。筆墮地。悶絕。一晝夜。明日蘇。望闕長慟曰。愚戇孤蹤。累遭毒螫。非。

聖主矜全。安有今日。

龍髯可攀。敢忘身殉。擗踊三日。病益劇。時秦家厰南北二壩旋塞。旋洩。公再爲文誓以死。眾皆泣。歲終。工乃成。

世宗卽位。遣使至河南慰問公。實授河道總督。

賜

先帝御物。遣御史馬爾赤哈往視疾。雍正元年正月五日。方

四鼓命具湯盥沐畢北面口占遺表天明端坐而逝年六十有一喪自武陟還過南北壩尾兵民繞棺哭者數萬人表聞下

詔憫悼曰此真鞠躬盡瘁死而後已者也

賜白金二千兩封其母曹氏爲一品夫人子其子一品蔭謚

恪勤江南人祀公名宦以配海忠介焉

正誼堂文集望谿未刻彙在亭叢彙小倉

山房集蘇州府志

故資政大夫禮部尚書楊文定公事狀

公諱名時字賓實其先在明初以軍功世襲鳳陽勳衛家懷遠有諱元吉者始遷江陰是爲公五世祖祖諱起鯤父諱履泰竝贈資政大夫巡撫雲南都察院右副都御史公爲人厚

重事親孝。响响若孺子。爲諸生應鄉試。主司以性理書發策。未之習也。歸而求其書讀之。始有志聖學。爲文章。原本經訓。灝氣流轉。桐城方靈皋在學使高公試院中。見其文。大驚賞。遂心識之。知其爲篤學之士也。康熙三十年。成進士。改庶吉士。座主李文貞公以經學倡導。公有所稟受。潛思默究。措之躬行。久而益孰。于進退取予利害之際。持之確如也。敝館授檢討。充明史纂修官。三十六年。充會試同考官。李文貞薦其賢。

聖祖召對

命充日講起居注官。旋

命提督順天等處學政。公接諸生。必開誘以立身行己之道。

見官屬一依儀制。保定知府達成例。不錄河間左衛童生送試。劾罷之。未期年。頌聲翕然。

聖祖賜

御書擢侍講。時李文貞爲直隸巡撫。或言公與巡撫比而招權利。及將代。又適有武生驚

蹕事。遂

命公往江南防河。總河張公鵬翮知公廉貧。但委以往來檣察而已。連遭父母喪。服除。仍赴河工。五十二年。

召還直南書房。時令陳說經義。與校周易折中性理精義諸書。逾年充陝西鄉試正考官。直內廷三載。未嘗牒吏部乞補官。五十六年。

特授直隸巡道時直隸未設三司以巡道主刑獄兼驛傳案叢事煩吏因緣爲姦公至細大必親釐革宿弊都盡

聖祖聞其治蹟謂大臣曰楊名時不特清官且好官也五十八年遷貴州布政使明年冬遷雲南巡撫西藏用兵大師道雲南畱屯以待

命公建屋百數十間以處之堅明約束民用不擾凡餽餉計里給直馬道次者兵當償爲奏免之民間輸兵糧苦遠運奏請量米多兵少處折銀徵解滇地丁役不均有戶絕者責人爲代或一人兼數丁名子孫丁又額征外加底公件銀歲三四十萬民苦之至是始均丁于田而減公件銀爲十一萬有奇民因大蘇滇故多銀礦官收其課久之礦衰課如故司事

者坐缺額多罷官追徵公謂礦有衰卽有旺請以道員一人總理諸厥使盈詘得相裒益其費多而利少者閉之諸利民事次第舉行軍民悅服

世宗嗣位賜以

聖祖遺物且書清操夙著四言以賜雍正三年加兵部尚書總督雲貴四年進吏部尚書仍管雲南巡撫事大理府洱海濱中巨川其尾積壅居民數被水公奏請疏泄著令五年一修費皆官出初李衛爲雲南鹽驛道遷布政使以興利爲功侍

恩使氣陵諸大官出其上公遇事輒裁抑之遂用是陰閒公會公奏豁鹽課疏內敘入

密諭有

旨切責削尚書仍管巡撫事六年或奏公與臬司江芑通同欺蔽

世宗命湖南布政使朱綱來代且遣刑部侍郎黃炳來會鞫綱至復劾公遂削籍綱預治刑具將以訊訊之日軍民數萬洶洶集門外曰楊公受刑我輩有反耳綱氣懾而止既訊無所得則以曾受鹽規銀五萬八千有奇坐絞其銀限一歲內全輸官鹽規銀者公于元年奏聞取以給官用者也讞上世宗特原公遂畱滇七年日唯研經講學如常時今

上初卽位述

先帝遺意召公乾隆元年二月至京師授禮部尚書兼國子

監祭酒又

命授

皇子讀兼直南書房公五日一至太學升講堂示諸生以爲學之要。謂學以希天也。天之德誠而已矣。敬其功也。其要必自闇然爲已。以默契天載。不易世不成名。邈世不見是而無悶。此天德之藏于密。而聖學之所以成始成終者也。易論語首篇皆發此義。而中庸尤盡之。有聖學斯有王道。乾元始萬物。利天下而相忘于不言。故論聖德以無名爲大。論從政以不貪爲美。盡人合天之道。莫不由之。蓋公生平履常變。瀕歿生貞。以一德不震不竦。其內省之純。加民之效。不越乎此矣。薦經術之士。莊亨陽。王文震。秦慧田等七人爲助教。請頒發。

經書俾士子得肄習監中。雍正末，黔中苗亂，連年用兵，不能定。及是，公上疏言馭夷之道，貴在羈縻服貳之方，務彰誠信，此百世不易之理也。竊見貴州境內多與苗疆接壤，生苗在南，漢人在北，而孰苗居中，閒受顧直爲漢人備，相安日久。生苗所處在深山密箐中，有孰苗爲之限隔，常聲內地兵威以相禁戢，故生苗絕不敢萌窺伺心。自開拓苗疆之議行，于是生苗界上咸屯官兵，干戈日尋，而生苗始不安其所。至孰苗無事，則供力役，用兵則爲嚮導，軍民待之若奴隸。生苗疾之若寇讎。或生苗乘閒鈔殺孰苗以泄忿，或官兵僨事又屠戮孰苗以冒功，所以孰苗毒重累浚，怨恨日積，勾結生苗乘機作亂。至台拱地方，本在化外，自有司迎台邀功，輒謂苗人願

獻其地上官不察竟議駐兵遂使生苗煽亂屢陷官兵蹂躪內地閒有就撫孰苗又被武臣屠戮賣其妻女以飽私囊是以賊志益堅人懷必死豕突狼吞不可禁禦此已事之明驗也爲今日計唯有下剴切之詔布寬大之恩棄苗疆而不取徹重兵還駐內地于要害處修垣築城俾民有可依兵有可守賊來則禦之去則捨之再明縣賞格有能擒賊首惡及率眾歸順者給與土官世襲分管其地更加意撫綏孰苗勿使爲生苗所劫掠爲官兵所欺陵如此調劑得宜苗人自當俛首帖耳抒誠向化若因循粉飾臣恐兵端不能遽息糜餉勞民終非柔遠寧邊之善策也時鄂文端爲首相公謂曰自公用師于苗吾數言其不可天道甚神人不可獨般唯君子爲

能改過公其圖之

上卒從公言徹兵除新疆之賦黔人以寧內廷翰林余棟丁母憂予假六月公請聽其終喪因言翰林梁詩正服未除應緩其行走又請增順天江南陝西解額

上多從其請尋

命敎習庶吉士七月充纂修三禮副總裁無何得疾

上遣醫視給人瘳疾亟口授遺疏以聖功聖德爲言九月朔薨年七十有七

上聞軫悼

賜白金千兩治喪遣官奠

詔傳公學問醇正人品端方加贈太子太傅入祀賢良祠諡

文定公于諸經皆有講義門人嘗輯易義八卷詩義四卷先
版行已而

詔求遺書其家始錄以進公無子以弟之子應詢爲後公之
葬也方靈泉爲撰墓誌其事辭頗略近餘姚盧先生紹弓得
公疏稟于其家爲傳較完備予因益損其辭參稽所聞爲之
狀以次湯陸諸公之後焉

望谿文集
抱經堂稟

故光祿大夫吏部尚書協辦大學士孫文定公事狀

公諱嘉淦字錫公太原興縣臨河里人曾祖諱守意祖諱世
璽以貢生知江西崇仁縣設方略平劇盜境賴以安父諱天
繡三世皆贈光祿大夫刑部尚書公兄弟四人伯兄楨淦爲
同縣趙氏子所般旣論抵繫獄矣資緣且脫舉公父憤欲死

公夜入獄。刃趙氏子。脫身逃。與其仲兄鴻淦。一晝夜行三百餘里。至會城門。啟而入。遭貨。甌甌者。仆焉。盡毀其器。相與訟于縣。頌繫待洩。已而興縣人喧傳。孫家兄弟殺人。逮捕至陽曲。令解之。曰。安有越一宿而能殺。人三百里外者乎。卒以疑得釋。時公年十八矣。家貧。日樵采。夜歸讀書。尋舉鄉試。康熙五十二年。成進士。授翰林院檢討。游于朱文端。張清恪兩公門。得與聞正學。由是覃思遺經。紬繹聖緒。充然沛然。達于上下。一以仁義爲本。聞母原夫人病。乞歸。尋丁母憂。服闋還官。世宗卽位。命臣工得上封事。公上三奏。曰。親骨肉。曰。停捐納。曰。罷西兵。

世宗召諸大臣示之。責掌院學士曰。汝翰林乃容此狂生學。

士叩頭謝。朱文端公在旁。徐對曰。此生誠狂然。臣服其膽。世宗良久大笑曰。朕亦不能不服其膽。卽召對。授國子監司業。雍正二年。充江西鄉試主考官。三年。提督安徽學政。遷祭酒。仍畱安徽年餘。調順天學政。奏革一切供應。賜養廉歲四千兩。并

賜京城官房七十餘間。爲試院。歲滿。莅祭酒任。公先爲司業時。上言。學校之教。宜以經術爲先。請令天下學臣。選拔諸生貢太學。九卿舉經明行修者。任助教。一以經術造之。三年攷其成。舉以待用。時方急西事。未行也。至是復申前請。竝請廣學舍。增諸生餼廩。

世宗從之。令戶部歲給六千緡。置房屋三百餘間。別爲南學。

公嚴立課程。五日一會講。一時人材俱盛焉。六年權順天府尹。丁父憂歸。

賜金千兩。公歸營葬畢以所

賜金建宗祠。置祭田。服未闋。以順天府尹召。晉工部侍郎。八年充會試總裁官。十年轉刑部侍郎。攝吏部侍郎。及府尹祭酒如故。引

見國子監教習官。不稱。

旨。公持之力。逮下獄。已而放出。令銀庫行走。出權河東鹽政。上卽位。召爲吏部右侍郎。遷左都御史。上三習一弊。疏略言治亂循環。如陰陽之運。坤陰極而陽生。乾陽極而陰妬。故時當極盛。必有陰伏之幾。其幾藏于至微。人不能覺。及其旣著。

遂積重而不可反。此其間有三習焉。不可不慎戒也。主德清
明。人心說服。出一言。盈廷傳聖發一令。四海歸仁。在臣民本
非獻諛。然而人君之耳。則孰于此矣。耳與譽化。匪譽則逆是
謂耳習。于所聞則喜。諛而惡直。上愈智則下愈愚。上愈威則
下愈畏。一唱百諾。所在而皆然。免冠叩頭。應聲而卽。是在臣
工。以爲盡禮。然而人君之目。則孰于此矣。目與媚化。匪媚則
觸。是爲目習。于所見則喜。柔而惡剛。敬求天下之事。見之多
而。以爲無奇也。則高己而卑人。慎辨天下之務。閱之久而以
爲無難也。則雄才而易事。質之人不聞其所短。反之己不見
其所失。于是乎意之所欲。信以爲不逾。令之所發。槩期于必
行矣。是謂心習。于所是則喜。從而惡違。三習旣成。乃生一弊。

何爲一弊。喜小人而厭君子是也。語言奏對。君子訥。小人佞。佞則與耳習投矣。奔走周旋。君子拙。小人巧。巧則與目習投矣。趨事赴功。君子一意孤行。而小人多方迎合。如是則與心習又投矣。于是乎小人不約而自合。君子不逐而自離。夫至于小人合。君子離。其患何可勝道。而其由皆三習爲之蔽焉。治亂之機可立洩也。今欲預除三習。永杜一弊。不在乎外。唯在乎

皇上之心。語曰。人非聖人。孰能無過。此淺言也。夫聖人豈無過哉。唯聖人而後能知過。唯聖人而後能改過。孔子謂五十學易可無大過。文王望道而未之見。是故賢人之過。賢人知之。庸人不知也。聖人之過。聖人知之。賢人不知也。唯爲人所

不知故願

皇上之聖心自懷之也。反之己真知其不足。驗之世實見其未能。故常欲然不敢以自是。此不敢自是之意。流貫于用人行政之間。耳目之習除。取舍之極定。夫而後眾正盈朝。太平可覩矣。奏入。

上嘉納。宣示焉。乾隆元年。充江南鄉試主考官。尋遷刑部尚書時。

上方加意太學。入監肄業者至數千人。乃以二年三月。

詔公總理監事。公奏仿胡安定遺法。經義治事。分條教授。于是人知實學興起者眾矣。三年。轉吏部尚書。充順天鄉試主考官。冬十月。出爲直隸總督。是歲直隸被水。奏撥山東穀三

十萬石。由海運達畿內以濟饑民。自保定以東地卑。下遇夏雨。潴水成澤。水落魚子化螾。故災無虛歲。公念言。弭災之本。其必濬水使通乎。乃擇吏分行穿治。使田水通溝。溝水通道。道水通河。河水通淀。其開五百八十餘渠。申捕蝗之令。由是終公任歲。以不饑。以畿地多曠。奏給畿人屯田。官與房舍牛穀。嘗巡邊見開平地。平衍可駐數萬家。具規畫請聽。旂人田之議者。以其地苦寒。未之行也。時方嚴酒禁。罹法者眾。公言。以日用飲食之故。使天下騷然。非政體。

上卽令弛其禁。六年。調湖廣總督。時江蘇布政使安寧奏言。各省賑荒。不免過濫。國帑空節。民情易驕。當有以裁抑之。敕內閣以所奏鈔示直省大吏。七年四月。公上言。往時督撫

率多諱災苟圖省費屢蒙

皇上諭誡乃始幡然一變其習其間辦理或不無過厚然所以繫民心培國本實在于此今安寧乃略其大而言其細臣恐自茲以往督撫之辦災與賑又將改弦易轍而流弊無終窮矣

皇上仁心爲質愛民如子繼孔孟之心而行堯舜之政天下喁喁謳思至治乃內外臣工不思贊襄

聖德羣倡爲經費不足之說使

皇上愛人之心與節用之念相持而未洩萬一爲眾口所咻節財之念勝而行仁之意不堅則萬善由此而墮百弊由此而生又不止災民不被其澤已也節用之道當擇其事較輕

而可緩者省之。非所施于災賑。民驕之故。由有司政教不明。此在平時整飭之耳。一遇災荒。正小民號呼赴愬之時。乃惡其驕而欲嗇其賑。則不揣其本矣。治國猶治家然。急于致富。乃至飢寒其子弟而不顧。惡赤子之號號。反嗇其乳哺。曰吾以治驕。無是理也。此義利之界。安危之幾。唯

皇上勿以爲迂而加重察焉。

上優旨荅之前巡撫馮光裕開橫嶺三洞。議者以路險遠欲棄之。公親自履勘。越嶺數十重。豁然開平。彌望皆沃野。公度若不守。且爲盜窟。乃奏設武官兵數千人守之。湖南巡撫許容劾驛鹽道謝濟世。

上以御史言。命使往讞。得其誣枉狀。以公庇容削官。九年冬。

起爲宗人府丞。明年遷左都御史。其冬閱秋審。聞人蔣太齡與其族屬阮歿。族人之爲竊者。巡撫以謀殺讞。太齡論絞。其它斬絞流杖有差。公奏言。舊例載同族中有凶悍不法。偷竊姦宄之人。合族公憤。以家法致歿者。將爲首者。照應得辜減一等。免其抵擬。今新例不載此條。無可引用。乃照謀殺定擬。夫謀殺者。必夙有私怨。盜仇。兼以陰謀詭計。所殺者。又係平人。乃用謀殺科。斷今合族同憤。致歿族匪。是乃義忿。非私仇也。是乃公議。非陰謀也。所殺者。又係有辜。非平人也。以命案之極情輕者。而引一極重之律。以科之比擬。失平矣。且舉合族之尊卑長幼。駢首接踵。以償一積匪之命。揆之情理。實有未協。此等案件。不時多有。仰懇

聖恩或仍存舊有之例。或預定比擬之律。或別設族匪之條。使將來斷獄有所遵守。則刑法平而民命不致胥戕矣。疏下。大學士三法司議以舊例已刪。不宜改增。以長擅殺之漸。寢其奏。十二年。京察。自陳乞休。許之。既歸。結茅于城東石塢山。掩關習靜。將終老焉。十四年冬。復以副都御史召直上書房。十五年。遷兵部侍郎。晉工部尚書。攝翰林院掌院學士。明年充會試總裁官。十七年。充順天鄉試主考官。九月。以吏部尚書協辦大學士。充經筵講官。明年春。自以年老。請免所居官。專直上書房。不許。其年。充順天鄉試主考官。初。公在翰林。著春秋義一書。板行于世。久之。瞿然悔曰。吾學無真得。柰何。妄測聖經。遂并所著詩刪。南華通一切毀之。時默坐。徵思。以蘄。

自信嘗曰朱陸異同何其紛紛也。聖人之道克已而已矣。當動念時追已從生。究已終極。卽此便是窮理。已克則禮自復。何知行之不合乎。又以聖人之道在六經。贊皇極正人心。皆由于此。晚歲直經筵。因欲發明易詩春秋要領。成書俟上裁定。

上許令日進講義一篇。于是先成詩義折中。次及易傳彖爻甫畢而公遂病。

上命皇子臨視中使侍醫相望于道。以十八年十二月六日薨。年七十有一。

上聞軫悼遣使奠茶酒。

賜金一千兩治喪事。諡曰文定公。以副都御史召之。明年有

姦人僞爲公奏稟傳播遠近事發株連甚眾公內不自安益自反恐生平好名之累未盡有以致然故晚節益務斂密其朝夕獻替莫得而聞焉公平生事父至孝父性嚴急公旣入仕往往受扑楚而孺慕彌篤家居不事生產有餘卽與兄弟共之旣貴徒步出入以儉德爲鄉里先喜聞諍言不擇童豎閒有拂逆處之泰然敬慎和平以終其身子三人孝懿孝愉孝則孝愉官至直隸按察使紹升自童時卽知敬慕公比長從鄉先生陳君和叔訪當世名公卿遺事陳君嘗爲公主奏草相得甚歡爲道公本末頗具已而盧先生紹弓自太原南歸出公家述及所爲公傳益詳覈因刪取其要合以先後所錄公疏及所聞于陳君者比而書之近世言直節者必以公

傳首及攷其言論施設。望望然古儒也。其真知治體者。與有經世志者。可以取鑑焉。

孫孝愉所撰行述。孫文定奏稟小倉山文集。抱經堂集。

同日讀止非

二林居集卷十七

終